


攝大乘論釋

第六

二百四十六  
敬六

49249



攝大乘論釋卷第六

敬

世親菩薩造

隋天竺三藏

達摩笈多

譯

論入應知勝相勝語第三

論曰如此已說應知相入應知相云何可見

多聞所熏習依止非阿黎耶所攝如阿黎耶

成種子正思惟所攝似法似義所至似所取

物有見意言

釋曰如此等應知相如應得入顯示此故入

應知相多聞熏習為依止者謂大乘法所熏

身故非阿黎耶所攝者謂對治阿黎耶識故

如阿黎耶識成種子者如阿黎耶識為染法

因此為淨法因亦不故正思惟所攝者謂不



思惟自性故似法似義所生者謂為法義相  
而生故似所取物者謂如色等體故有見者  
亦似見體故即是成三相及見二識

論曰於中何人能入應知相大乘多聞熏習  
相續已故得親近無量出世諸佛故一向信  
解善集善根故善滿足福智資糧諸菩薩

釋曰何人能入應知相者如此相類中若入  
所有方便今當顯示大乘多聞所熏者為離  
聲聞乘等多聞故得親近無量出世諸佛者  
過數量諸佛出世皆得現前親近故一向信  
解者於大乘中決定信解不為惡知識之所  
動壞故即此次前所說三因緣中善集善根

故名爲善集福智資糧菩薩復次福智資糧  
去何得次第滿足由因力善友力思惟力依  
持力故於中前二句爲二力如其數應知彼  
正思惟力即是一向信解此以大乘熏習爲  
因此一向信解即是修行正行由修行正行  
故則得聚集善根由此正思惟力故得善具

足福智資糧有此次第由此善具足福智資  
糧故得入菩薩初地此是依持力

論曰於何處入即於彼有見似法及義意言  
大乘法相所生中故

釋曰入如是相此入行相今當顯示意地分  
別名意言此意言種類以大乘法爲因生故

大乘法相所生者攀緣所說法故。論曰信解行地中見道中修道中究竟道中一切法唯識隨聞信解故如理通達故對治一切障故無障礙故。

釋曰何處得入於信解地中得入由但聞一切法唯有識即起增上信解名爲得入故於見道中得入今當顯示如理通達者於意言分別中如理通達故去何如理通達非法非義無能取無所取若如此名通達意言分別故於修道中得入今當顯示對治一切障故者觀此意言非法非義無能取無所取時能對治一切障此名修道中得入究竟道中得入。

入今當顯示無障礙故者往最清淨智處故  
最微細障滅故名究竟道中得入故

論曰何緣得入善根力持故三種練治心故  
滅除四處故法義爲所緣故奢摩他毗鉢舍  
那常修正修無放逸等故無量世界中無量  
人道衆生刹那刹那正覺阿耨多羅三藐三  
菩提是爲第一練治心

釋曰何緣得入如所說善根力持等有八處  
相應於中若常修者一切時作故善修者恭  
敬作故若作如此相類即是不放逸於中對  
治三種退屈心故有三種練治心菩薩聞阿  
耨多羅三藐三菩提第一甚深寬大難可益

得心則退屈為對治此故有第二練治心  
云又云云故有第二練治心

論曰由專心故能行施等諸波羅蜜我已得  
此專心由此故我修諸波羅蜜當得圓滿不  
足為難是為第二練治心

釋曰由此意故施等波羅蜜即得現行者於  
中意者謂信及欲菩薩於波羅蜜中信智實  
有故功德故可得故此是菩薩信由信故喜  
樂修行名欲菩薩得此信欲意故修行六波  
羅蜜進趣圓滿不以為難

論曰雖彼有礙善者善法具足已即於死時  
隨所念欲一切具足身彼時得此法我此收



勝善無礙善於彼時一切具足何為未得是  
名第三練治心此中有偈

在於人道中無量諸衆生念念得菩提

故除退屈心善心人專意能行布施等

勝人得此意亦能行施等善人於死時

隨心得果報既有滅位善果報云何無

釋曰復次菩薩於諸佛甚深寬大言教中起

推尋時作思念阿耨多羅三藐三菩提難可

證得一剎那心斷已乃得即生退屈為對治

此故修第三練治心況我此最勝善者況我

於一切十地中善具足福智資糧故無障礙

善者謂心煩惱微細難破如金剛之摩提能

破此障此三摩提後出離一切障礙依止轉  
已於此去何不得此顯出離障礙與死無異  
故一切具足者謂得一切種智故

善根力持故三種練治心者善根不薄少故  
菩薩由有此力則能三種練治心今不退屈  
於中第三練治心如所練治今當顯示由此  
念故離諸障礙慳等波羅蜜障無故滿足波  
羅蜜不以爲難由此滿足故得成菩提第三  
練治心今當顯示於中有礙善者謂世間善  
故名爲有礙善哉此無礙善此善不得成佛  
無有是處此義以偈顯示偈言故除退屈心  
者謂不令下劣心得任云我不能得阿耨多

羅三藐三菩提善心者謂非惡無記心故由  
有無記施故如有人散漫心行施外道等以  
不善心行施又復求阿耨多羅三藐三菩提  
者此善最勝勝人得此意亦能行施等者於  
中得專心時有如是相能修施等六波羅蜜  
謂得滅慳等障礙心勝人者最上故謂諸菩  
薩施等者謂攝取戒及智波羅蜜等隨心得  
果報者乃至得非想非非想處果報故滅善  
者滅障礙故果報云何無者謂得佛身故  
論曰遠離聲聞辟支佛思惟故思惟則滅於  
大乘中一切疑無疑故邪意及疑則滅於聞  
思法中離我我所執故法執則滅現前住安

立一切相思惟不分別故則滅分別此中有獨  
安立及自任 所有現前相 一切不分別  
智人得勝覺

釋曰此中論本為顯四處滅故於中滅思惟  
者謂滅聲聞等思惟故邪意及疑滅者謂於  
大乘甚深寬大法中邪意及疑應滅除故邪  
意者誹嫌意及心動搖惑者疑心故一切疑  
無疑故者於此大乘中為安立法相故說有  
三性所謂一切法無性無生無滅本來寂靜  
自性涅槃如是等一切法無所有門此就分  
別性故若說幻焰夢光影像響水月變化此  
就依他性故若說真如實際無相第一義法

界空等門此依成就性故於此諸法中一切  
邪意及惑不生故於聞思法離我我所執故  
者此中為顯除滅法執故滅除法執者謂於  
法中若聞若思乃至不令我我所得入故現  
前任安立一切相思惟不分別故者謂行者  
修無分別智時在正思惟位滅此等一切寂  
靜心分別也於現前任色等及靜心所有安  
立骨瑣等於此一切所緣相中不念不分別  
時名入無分別方便若分別則不得入此現  
前安立偈者為顯最後滅義故  
論曰因何入云何入聞熏習所生正思惟所  
攝故似法及義顯現有見意言

釋曰此中顯示以此入如此入故於中聞熏習所生者聞熏習為因故即此入道理如前所說即是大乘聞熏習所生應知成就性所攝故

論曰有四種求謂名義自性差別假說相求釋曰此中為顯示如此入故四種求者如論本說謂名義自性差別等所說

論曰復有四種如實知謂名事自性差別假相說中如實知彼自性差別不可得故菩薩如是如實為入意言唯識故修行於彼似字義意言中知彼名字唯是意言知彼名所依義亦唯意言即知彼名自性及差別唯是假

相說。是時證得。雖有意言。則於名及義自性  
差別。假相說中。不見有性差別。義相故。由四  
種求及四種如實知。於彼似名及義意言中  
得入唯識。

釋曰。四如實知者。如論說名事自性差別。假  
說中。如實知其自性及非別改者。謂各有自  
性差別。作如是假說。故名自性差別。假說者。  
義不可得。故即是知彼名自性及差別。唯是  
假說者。以彼名字無有自性及差別。故即能  
於彼名字自性及差別。唯是假說中。忍受。故  
若如是知。是為求。若知不可得名。為如實知。  
論曰。此唯識觀入何法。似何法。入謂入唯識。

故相及見爲二故稱種相故名義自性差別  
但假立自性差別六種事無事故爲能取及  
所取體而住故一時似種種相事生故如闇  
中繩似蛇譬如繩中蛇是妄以不有故若見  
實義則無有妄蛇智則滅唯繩智在若細分  
析繩亦不實以色香味觸相故於中依止色  
等智故繩智亦得除滅如是如是彼似字及  
義六種相意言如蛇智以知彼六種相無實  
義此唯識智亦須除滅由成就性智故  
釋曰此中間所入法及入譬唯量者唯識量  
故有相及見爲二者此顯相及見二識故此  
似相顯現爲因爲住觀爲相爲影顯現故唯



是一識種種相生。非速疾故。次第而生。如此三種得入唯識。一時似種種相義生。故者謂似名句味身種種相義生。故彼亦似依名所目義種種相生。故於中入三性觀。以繩譬顯示六種義中自在者。謂於名等六種義中自在。言自在者。謂除滅故。

論曰。此菩薩如是入。似義相。意言。故得入分別性入唯識。故得入依他性云。何入成就性。若滅離唯識想。彼聞法熏習所生意。言是時菩薩滅離義想。似一切義無有生處。故是故似唯識顯現。亦不得生。即任不分別一切義名中正證法界相應而住。是時菩薩於能緣

所緣平等平等無分別智生即是菩薩入成就性

釋曰入似義相意言故者謂所有義唯是分別故如是即入分別性入唯識故者此之意言唯識所攝得入依他性似一切義無有生處者謂無有似義生種類故唯識種類亦不得生何以故若起唯識分別時則成義故次後得證真如此如不可言說唯內自知故是時菩薩能取所取平等平等無分別智生者謂能緣智所緣真如二法其體平等猶如虛空識無有能取所取體而任以分別能取所取故名無分別即是得入成就性所言任

無分別一切義名中者謂有何名有幾種此  
名差別以偈中顯示

論曰此中有偈

法人及法義 若廣若略性 不淨淨究竟

是名境差別

釋曰於中法名者謂色受及眼如是等以名  
者諸佛法愛及信行法行如是等復有法名  
者謂修多羅等義名者謂依法所顯義摠名  
者如言衆生別名者即彼衆生各各有名性  
名者謂字本不淨名者謂凡夫等淨名者謂  
學人至究竟名者謂所緣通相法又略說十  
種名字是菩薩攀緣所謂法名者眼等人名

者我等復法名者十二部言教義名者即彼  
十二部言教義揔名者一切法有爲無爲等  
別名者色受等及虛空等性名者阿字爲初  
訶爲最後不淨名者凡夫等淨名者見諦等  
至究竟名者通相法爲境二智所緣謂出世  
智及彼後得智緣一切法真如故一切法種  
種相故如於十地中一切義通相緣智所緣  
故如是等諸名是諸菩薩境界故

論曰此菩薩如是入唯識故得入應知相由  
入應知相故即得入歡喜地善通達法界得  
生如來家得一切衆生平等心得一切菩薩  
平等心得一切佛平等心此即是菩薩得見道

釋曰得生如來家者由佛種不斷故得一切  
衆生平等心者如自身欲入涅槃於一切衆  
生亦尔由此心故名一切衆生平等心得一  
切菩薩平等心者由同得深淨心故得一切  
佛平等心者由住此位時得諸佛法身得法  
身故即得一切佛平等心復次一切衆生平  
等心者得自他平等故如自身欲盡諸苦於  
彼亦尔一切菩薩平等心者謂同諸菩薩得  
深淨心作利益衆生事得一切佛平等心者  
見諸佛法界與己無差別故

論曰復次何故入唯識觀為緣通相法故出  
世奢摩他毗鉢舍那智故彼後得種種相識

智故滅有因相阿黎耶識一切因相種子故  
增長得觸法身種子故轉依止故出生一切  
佛法故為得一切智智故入唯識觀

釋曰奢摩他毗鉢舍那智者即奢摩他毗鉢  
舍那名為智故於中有因相阿黎耶識一切  
因相種子滅者於中有相者即是因緣謂阿  
黎耶識中所有一切染法種子復言相者  
為顯示即此種子為所緣相故如是說已即  
得顯示此諸種子因果俱滅  
論曰復次彼後得智於阿黎耶識所生一切  
識性相中由見如幻等故自然不復顛倒是  
故猶如幻師於幻事中菩薩於諸相中設說

因果一切時亦得無倒

釋曰若無分別智滅障礙出生佛法者此後  
得智復何所用無分別智不能說彼因果法  
何以故無分別故是故須後得智說彼因果  
法一切時不顛倒如幻師於所幻事阿黎耶  
識一切所生者此等皆以阿黎耶識為因一  
切識性相中者謂以識性為因故如所幻事  
後得智於中不顛倒說亦不倒

論曰於此入唯識觀中有四種三摩提為四  
種通達分依止云何可見由四種求義故下  
品無塵忍得明三摩提為暖行通達分所依  
止若增上忍增明三摩提為頂行通達分所

依止由四種如實知故得入唯識決定。摩無  
所有此入真實義一分三摩提。是順諦忍所  
依止。此三摩提最後唯識想除。是無間三摩  
提。世第一法所依止。應如是見。此諸三摩提  
是正位邊。應知。

釋曰：一切趣入真實時得通達分。今此中亦  
顯示通達分善根依止者。是通達分因。故言  
依止。下品無塵忍得明三摩提者。謂於無塵  
中薄少樂欲。顯示無塵智名明得明三摩提  
者。顯示無塵智所依止三摩提。故增上無塵  
忍者。此中忍還是彼欲。故明增三摩提者。顯  
示增上無塵智名明言三摩提者。顯示是無



塵智所依止故順諦忍所依止者法無我名  
諦於彼無我隨順忍故此順諦忍云何成以  
彼定無別外物故能取亦不有應知任疾利  
隨順忍時得此樂欲正位邊者謂正位時  
論曰如是入地菩薩入唯識故得見道云何  
發起修道隨所成立說十地一切修多羅攝  
取現任事通相法為緣出世間及後得奢摩  
他毗鉢舍那智無量百千俱知那由他劫數  
習故為轉依止得三種佛身故修行  
釋曰隨所成立說者謂若為成立故說十地  
經中諸地故通相法為緣者謂一相緣非句  
別緣故出世者無分別智故彼後得者謂成

立智此亦不可說為世間何以故非世間積習故亦非一向出世間以隨順世間行故是不可定說一相故為轉依止者由此通相攀緣智故得轉依故為得三種佛身者謂令我當得三種佛身故修行

論曰聲聞入正位菩薩入正位此二有何差別聲聞正位有十種差別與菩薩正位異應知一所緣差別大乘法為緣故二任持差別大福智資糧任持故三通達差別通達人法無我故四涅槃差別攝取無任者涅槃故五地差別依十地出離故六清淨差別煩惱斷及佛刹淨故七得一切衆生與自身平等心

差別起成熟衆生行不休息故。八生差別生  
如來家故。九化現差別。佛集輪中一切時化  
現所攝。故十果差別。十力無畏。不共佛法等  
無量功德果成就故。

釋曰。涅槃差別者。由菩薩攝取無住著。涅  
槃故。聲聞不介。清淨差別者。由菩薩滅煩惱  
及習。并淨佛土。故聲聞不介。  
論曰。此中有偈。

推尋名及義 各各互為客  
二施設亦然 從此生實知  
若見彼非有 即入三無性  
三分別無義

釋曰。如真實入此中。說偈推尋名及義。各各

互為客者名於義為客義於名亦為客各別  
相故推尋者謂應於靜心中見故推尋二唯  
量二施設亦然者義無有自性及差別故即  
應知自性唯是施設差別唯是施設故從此  
生實知者謂於此中如實知故由四種尋思  
為因故得四種如實知三分別無義中見者  
於三種分別無有義中見故謂名分別自性  
分別差別分別故彼非有即入三無性者義  
無所有故分別亦無何以故若所分別義是  
有分別可得緣彼而生由彼義不有故分別  
亦不得有應知此義故入三者謂入三性於  
中由見名義互為客故得入名義各異分別

性若見名自性施設差別施設雖見分別即  
得入依他性即此能分別識亦不見即得入  
成就性此名三種入

論曰復有教授偈如觀行差別論說

菩薩靜心中

得見其心影

滅除於義相

但觀於自想

如是心住內

知所取非有

取無能取者

故證無所有

釋曰為令得入觀故復說此教授偈菩薩見

心影者見彼似法義影唯是自心何人見謂

菩薩何處見謂靜心中滅除於義想但觀於

自想者謂於靜心中義想不起知唯是自心

為法義相顯現如是心住內者若心如自得

住於義無所有中即是心住於心中知所取  
非有者謂解知所取義無所有故即無能取  
者由所取義不有故則能取心爲能取者亦  
不可得故證無所得者旣無能取所取已即  
說名爲證真如以真如不可得故

論曰復有入正位別偈如大乘線莊嚴論中

所說

菩薩具滿無邊際

福德智慧之資糧

法中思量善波已

則了義類意言生

彼知諸義唯意言

即任似義唯心中

如是正證法界已

是故遠離二種相

以知心外無有他

故得知心亦非有

智者了知二俱無

即任無二法界中

智者無分別智力

平等順行常普徧

所依稠密罪惡聚

如大伽陀拔衆毒

牟且善說諸正法

安心有根法界中

已知念行唯分別

智者疾至德海岸

釋曰復有入正位得如線莊嚴論中說若有

最極難知者彼中顯示於中無邊際者謂極

難度彼岸故如言無邊言說非無有邊但以

多故得名無邊此亦如是向者爲資糧謂福

德智慧於中施等三波羅蜜是福德資糧般

若波羅蜜名智慧資糧精進波羅蜜名爲智

慧精進是智資糧若爲福精進是福資糧如

是禪波羅蜜亦二種於中。一緣。四無量禪名。禪資糧。餘名智資糧。誰有此資糧。謂菩薩法中思量善決定。非餘則了義類。意言生者。謂諸法得善決定。非餘則了義類。意言生者。謂了知諸義。皆以意言爲因。故即住似義唯心中者。由知彼諸義。唯意言故。即此自心似義。而現故。如是正證法界已。是故遠離二種相者。知自心似義而現已。即於離能取所取真如中得證。又復如所入證。今當顯示以知心中外無有他故。得知心亦非有者。謂離心中外無有所攀緣義。彼不有故。能緣之心則亦不有。菩薩知彼不有故。即住無二法界。謂離心。



及義故無分別智力者離分別智力故平等  
順行者於平等中順行故見修多羅等一切  
諸法平等猶如虛空故普徧者於若內若外  
諸法中如是見故常者一切時故所依稠密  
罪惡聚者此諸染法因名稠密以難可觀解  
故罪惡聚者即是染法熏習自性為體故牟  
居善說諸正法安心有根法界中者謂以意  
安住有根心中若攀緣彼心真如此是有根  
心謂緣如來正說具足無闕摠為一切應知  
此即是無分別智已知念行唯分別者住此  
有根心已為欲正說故於後得智中所憶念  
義亦知此憶念行唯是分別故由此無分別

智及後得二種智故諸菩薩疾至佛果彼岸  
此等諸偈揔集義者初偈明資糧道第二偈  
義明方便道第三偈義明後見道第四偈義  
明修道第五偈義明究竟道此釋入應知相竟

攝大乘論釋卷第六

敬

散下莫誹非佛二音謗也  
拈先擊反分稠密上直流反  
拈開也二同稠密多也衆也

骨瑣正作鏤折

